

ԱԼԵԿՍԵՅ ԿԱՐՊՈՎԻՉ. ԶԻՎԵԼԵԳՈՎ

1952 թ. դեկտեմբերի 14-ին 77 տարեկան հասակում վախճանվեց Հայկական ՍՍՌ Գիտությունների ակադեմիայի թղթակից-անդամ, սովետական ակադեմիկոս գիտնական, արվեստի պատմաբան և տաղանդավոր գրականագետ Ալեքսեյ Կարպովիչ Զիվելեգովը:

Ա. Կ. Զիվելեգովը ծնվել է 1875 թ. Նոր Նախիջևանում: 1897 թ. ավարտել է Մոսկվայի համալսարանի պատմական ֆակուլտետը և 1907 թվականից մինչև կյանքի վերջին օրերը անընդմիջաբար եղել է Մոսկվայի մի քանի ԲՈՒՀ-երի դասախոս:

Նախքան ռևոլյուցիան Զիվելեգովը արդեն հայտնի էր որպես իտալական վերածննդի դարաշրջանի պատմաբան, սակայն Հոկտեմբերյան ռևոլյուցիան էր, որ տաղանդավոր գիտնականին լիակատար հնարավորություն ընձեռեց բացահայտելու իր ունակությունները և շատ ավելի նպատակասլաց դարձնել նրա հետազոտական միտքը:

Զիվելեգովի այնպիսի աշխատությունները, որպիսիք են «Իտալական վերածննդի սկիզբը», «Իտալական վերածննդի ակնարկները», նրա մենագրությունները Դանտեի, Միքել-Անջելոյի, Լեոնարդո դա Վինչիի մասին, նրա ընդարձակ առաջաբանները Մաքիավելլիի, Գլիչարդինիի, Վազարիի, Մազուչչոյի, Ֆիրենցուոլայի, Բրաչչոլինիի և իտալական վերածննդի մյուս գործիչների մասին, կենդանի և անմիջական կերպով վերարտադրում են հասարակական իրադրությունների պատկերը, կուլտուրայի և արվեստի գործիչների դեմքերի և նրանց ստեղծագործությունների հմայքը:

Զիվելեգովի այդ աշխատությունները արժեքավոր ներդրում են իտալական վերածննդի դարաշրջանի ուսումնասիրության գործում: Այդ աշխատություններում նա վեր է հանում իտալական վերածննդի գործիչների, գրողների և արվեստագետների հումանիստական գաղափարները և ռեալիստական արվեստը, գիտական մեծ ակտիվությամբ հակադրվելով վերածննդի դարաշրջանի անմահ հուշարձանների հումանիզմը և ռեալիզմը ժխտել փորձող ժամանակակից բուրժուական կեղծ պատմաբաններին:

1943—45 թվականներին ՍՍՌԿ Գիտությունների ակադեմիայի Մ. Գորկու անվան համաշխարհային գրականության ինստիտուտը հրատարակեց «Անգլիական գրականության պատմության» երկու հատորը, որի խմբագրական կոլեգիայի անդամը և մի քանի կարևոր բաժինների հեղինակն էր Ա. Կ. Զիվելեգովը:

Իտալական դրամատուրգ Գոլդոնիի կոմեդիաների վարպետ թարգմանությունները, կատարված Զիվելեգովի կողմից, նույնպես վկայում են նրա գրական տաղանդի մասին:

Մեծ էրուդիցիայի և կուլտուրայի տիր, հայրենիքի բոլոր հաջողություններով ապրող և հուզվող, արտասովոր մանկավարժական ընդունակություններով օժտված Զիվելեգովը հայրական հոգատարությամբ էր աճեցնում գիտու-

թյան երիտասարդ կադրերին: Լինելով իտալական վերածննդի դարաշրջանի արվեստի և գրականության խորը մասնագետ, նա միևնույն ժամանակ հիանալի գիտեր սովետական գրականությունը, թատրոնը և արվեստը: Ջիվելեզովը ռուսական առաջավոր կուլտուրայի, գրականության և արվեստի քաջատեղյակ էր և խանդավառ սիրահար և այդ հանգամանքը, իհարկե, մեծ շափով օգնում էր նրան քացահայտել իտալական հեռավոր 14, 15 և 16-րդ դարերի գրականության և արվեստի հուշարձանների հումանիստական գաղափարայնությունը և ձևերի ոեալիստական հստակությունը:

Չնայած Ա. Կ. Ջիվելեզովի տարիքին, նա երիտասարդական խանդավառություն էր հանդես բերում հասարակական գործունեության բոլոր ասպարեզներում մինչև իր կյանքի վերջին օրերը:

Սովետական կառավարությունը, քարձր գնահատելով Ջիվելեզովի ծառայությունները սովետական առաջավոր կուլտուրայի զարգացման գործում, նրան երկու անգամ պարգևատրել է Աշխատանքային Կարմիր Դրոշի շքանշանով և մի քանի անգամ մեդալներով:

1945 թվականին Ա. Կ. Ջիվելեզովը ընտրվում է Հայկական ՍՍՌ Գիտությունների ակադեմիայի թղթակից-անդամ: